
Ponuda softverskog rješenja za vrtić

The logo for Teem SOLUTIONS is centered on a black rectangular background. The word "Teem" is written in a large, stylized font where the 'e' and 'm' are connected. The 'T' and 'm' are a teal color, while the 'e' is white. Below "Teem", the word "SOLUTIONS" is written in a smaller, white, all-caps sans-serif font.

Teem
SOLUTIONS

Sarajevo, 12. mart 2016.

Poštovani,

Izuzetna nam je čast što smo u prilici da predložimo softversko rješenje za jednu društveno odgovornu, poslovno profesionalnu, uglednu i perspektivnu instituciju kao što je Vaš vrtić. S tim u vezi, spremni smo da Vam, uz angažman naših najboljih stručnjaka, kroz predloženo softversko rješenje obezbijedimo siguran način i podršku za još bolje i uspješnije poslovanje.

Svjesni smo izazova sa kojima su se svakodnevno suočavali uposlenici ove ustanove prilikom obavljanja svojih svakodневnih poslovnih obaveza.

Prije svega, nepostojanje adekvatnog sistema za praćenje i evidenciju uplata, evidenciju djece i grupa, u kombinaciji sa ručnom obradom podataka, smanjuje efikasnost, produktivnost i rezultira prekomjernim umorom i opterećenošću uposlenika. Ručna obrada i pohranjivanje podataka, često znaju biti itekako spori i podložni povećanom broju grešaka, te u skladu sa navedenim takav sistem zahtijeva ulaganje većeg napora i za pronalaženje i za dobijanje odgovarajućih informacija. Čak i uz Vašu visoku organizovanost i posvećenost, teško je dobiti odgovarajuće informacije za kratko vrijeme.

Uz sve to, povjerenje Vaših klijenata predstavlja obavezu, ali i motiv za poboljšanje kvaliteta usluga koje nudite. Sigurni smo, da ćete uštedom vremena i boljom organizacijom poslovnih procesa koje Vam garantuje naš sistem, imati više prostora da se posvetite samoj analizi podataka sa kojima raspoložete, te da na osnovu toga u budućnosti lakše donosite odluke koje će unaprijediti Vaše poslovanje i povećati prihod Vaše ustanove.

Osim toga, naše softversko rješenje nudi Vam potpunu integrisanost, lakši unos svih podataka, ali i bezbjednost, kvalitet, pouzdanost i dostupnost relevantnih podataka u realnom vremenu. Naš sistem će vam omogućiti da na vrlo jednostavan, lagan i brz način obavljate sve funkcije vezane za ažuriranje potrebnih podataka. Na taj način, u Vašoj bazi podataka uvijek će se nalaziti maksimalno ažurni podaci, a samim tim riješilo bi se pitanje gubitka podataka o evidenciji uplata i evidenciji djece.

U prilog tome, svakako ide i činjenica da će na sistemu korisnici imati kontrolirana prava pristupa, čime je zagarantovana sigurnost kao jedna od ključnih stvari za Vaš sistem poslovanja. Širok je spektar pogodnosti i usluga koje smo spremni pružiti, a pored gore navedenih koje nudimo kroz ovo softversko rješenje, važno je spomenuti da su involvirane i sljedeće:

- Centralizacija podataka, skladištenje svih podataka na jednom mjestu ima višestruke pogodnosti, a samo jedna od tih pogodnosti jeste efikasnost pri pristupanju podataka

- Jednostavnost pri korištenju kao i održavanju - user friendly
- Dostupnost 24/7

Sam sistem se sastoji od više funkcionalnih cjelina, odnosno modula koji omogućavaju potpunu kontrolu Vaših najvažnijih poslovnih procesa.

- Modul - **Grupe** - korisniku omogućava:
 - Kreiranje novih grupa i dodavanje članova u grupe
 - Brisanje članova grupe
 - Dodjeljivanje vaspitača svakoj grupi
 - Pregled profila grupe (podrazumijeva prikaz članova grupe i aktivnosti)
 - Pregled rasporeda za svaku grupu
 - Onemogućen unos podataka u proizvoljnom formatu
- Modul - **Djeca** - korisniku omogućava:
 - Evidentiranje novog djeteta u sistem, pri čemu se zahtijeva unos osnovnih podataka za svako dijete
 - Unos dodatnih aktivnosti koje dijete pohađa
 - Onemogućen unos podataka u proizvoljnom formatu
- Modul - **Aktivnosti** - korisniku omogućava:
 - Dodavanje novih dodatnih aktivnosti u sistem
 - Brisanje postojećih dodatnih aktivnosti
 - Statistički pregled za sve aktivnosti
 - Onemogućen unos podataka u proizvoljnom formatu
- Modul - **Vaspitači** - korisniku omogućava:
 - Dodavanje novih vaspitača u sistem
 - Brisanje postojećih vaspitača iz evidencije
 - Pregled evidencije vaspitača
 - Onemogućen unos podataka u proizvoljnom formatu
- Modul - **Uplate** - korisniku omogućava:

- Evidenciju uplata pri čemu se unose osnovni podaci o svakoj uplati u sistem(datum, iznos i sl.)
- Pregled uplata koje kasne (ovaj pregled uključuje i dodatne informacije kao što su kontakt telefon, ime i prezime staratelja)

Softver sadrži i **modul za administraciju korisnika** koji omogućava korisniku:

- Ažuriranje podataka o postojećim korisnicima u sistemu
- Administracija korisničkih prava
- Dodavanje/brisanje korisnika

Zašto Te9m Solutions?

“Te9m Solutions” je softverska kompanija koja na lokalnom, ali i regionalnom nivou važi za jednu od vodećih i najperspektivnijih IT kompanija. Za nešto više od 15 godina postojanja, uspjeli smo da implementiramo samo najbolja softverska rješenja za naše klijente i da postanemo po tome prepoznatljivi.

“Te9m Solutions” je striktno i precizno definisao način poslovanja sa naglaskom na potrebe svojih klijenata.

Radni tim se sastoji od grupe iskusnih i spretnih inženjera koji za naše klijente kreiraju softverska rješenja koja ih ističu na tržištu rada i pomažu im u napretku. Naročito ističemo činjenicu da sva naša softverska rješenja prate sve neophodne zakonske regulative, te kao takvi činimo u potpunosti pouzdan tim na koji se možete bezbrižno osloniti.

Naši inženjeri su kreativni, dinamični individualci koji dijele strast za tehnologijom i idu u korak sa savremenim informatičkim tehnologijama, te se kontinuirano usavršavaju i napreduju.

Ozbiljan i studiozan pristup svakom projektu, aktivan i neposredan odnos sa klijentima, konstantno i svakodnevno praćenje i implementacija najnovijih tehnologija kroz različite projekte i proizvode, učinile su da “Te9m Solutions” postane prepoznat kao kvalitetan i pouzdan partner. U prilog tome ide i činjenica da iza sebe imamo desetina uspješno razvijenih sistema, a naši klijenti se lahko prepoznaju po poslovnim uspjesima koje bilježe koristeći naša softverska rješenja.

Naša najveća satisfakcija, ali i garancija jesu uspješna poslovanja i neizostavno zadovoljstvo naših klijenata.

Ovom prilikom spomenut ćemo samo neke od njih: Vrtić “Lasta”, Vrtić “Dječiji grad”, Vrtić “Kids Land”, Međunarodna škola u Sarajevu, Tursko-bosanski Sarajevo Koledž, Ekonomski fakultet u Sarajevu i brojni drugi.

Cijena sistema: 6000.00 KM

Trajanje garancije: 2 godine

Vrijeme realizacije projekta: 4 mjeseca

Uz usluge servisa u cijenu su uračunati proizvod, kompletna dokumentacija, PDV, kao i troškovi isporuke i ostale dadžbine. Eventualna nadogradnja sistema moguća je uz novi ugovor, te ne ulazi u cijenu navedenu u ovoj ponudi.